

四庫全書

經部

欽定四庫全書

鄉黨圖考卷八

婺源江永撰

器用

車通考

明堂位鸞車有虞氏之路也鉤車夏后氏之路也大路
殷路也乘路周路也注鸞有鸞和也鉤有曲輿者也大
路木路也乘路玉路也疏曲輿謂曲前闌也○考工記

軫之方也以象地也蓋之圜也以象天也輪輻三十以象日月也蓋弓二十有八以象星也注輪象日月者以其運行也日月三十日而合宿疏不言輿言軫者軫是輿之本故舉以言之日則一日行一度一年一周天月行十三度十九分度之七一月一周天又行一辰逐及日而合宿故以輪象之若據日月合會於其處則名宿亦名辰亦名次亦名房也

今按名房非也書季秋月朔辰弗集于房房是房宿

○

大戴禮古之為路車也蓋圓以象天二十八橑

音僚

以象

列星軫方以象地三十輻以象月故仰則觀天文俯則
察地理前視則睹鸞和之聲側聽則觀四時之運此巾
車教之道也注橐蓋弓也觀四時之運謂視輪也車為

日月巾車宗伯之屬○春官巾車王之五路一曰玉路

錫

音陽 樊

音盤 纓

十有再就建大常十有二旂

音流

以祀注王

在馬曰路玉路以玉飾諸末錫馬面當盧刻金為之所
謂鏤錫也樊讀如鞞帶之鞞謂今馬大帶也纓今馬鞅
玉路之樊及纓皆以五采屬

音計

飾之十二就就成也大

常九旗之畫日月者正幅為終旂則屬焉疏纓是夾馬
頸故以今馬鞅解之○又金路鉤樊纓九就建大旂以
賓同姓以封注金路以金飾諸末鉤婁頷之鉤也金路
無錫有鉤亦以金為之其樊及纓以五采屬飾之而九
成大旂九旗之畫交龍者以賓以會賓客同姓以封謂
王子女弟率以功德出封雖為侯伯其畫服猶如上公
若魯衛之屬其無功德各以親疏食采畿內而已疏上
得兼下玉路直言錫魚有鉤可知○又象路朱樊纓七

就建大赤以朝異姓以封注象路以象飾諸末象路無
鉤以朱飾勒而已其樊及纓以五采屬飾之而七成大
赤九旗之通帛以朝以日視朝異姓王甥舅○又革路
龍勒條音滔纓五就建大白以即戎以封四衛注革路鞅
之以革而漆之無他飾龍駟音尨也以白黑飾韋雜色為
勒條讀為條其樊及纓以條絲飾之而五成不言樊字
盖脫爾以此言條知玉路金路象路飾樊纓皆不用金
玉象矣大白殷之旗猶周大赤盖象正色也即戎謂兵

事四衛四方諸侯守衛者蠻服以內疏玉路金路象路皆以革鞞則冬官云飾車欲侈者也但象路以上更有他物則得玉金象之名革路無他物則名為革路也○

又木路前

音翦

樊鵠

音斛

纓建大麾以田以封蕃國注木路

不鞞以革漆之而已前讀為翦翦淺黑也木路無龍勒以淺黑飾韋為樊鵠色飾韋為纓不言就數飾與革路同大麾不在九旗中以正色言之則黑夏后氏所建田四時田獵蕃國謂九州之外夷服鎮服蕃服○又服車

五乘孤乘夏篆卿乘夏縵大夫乘墨車士乘棧車庶人
乘役車注服車服事者之車夏篆五采畫轂約也夏縵
亦五采畫無瑑爾墨車不畫也棧車不革輓而漆之役
車方箱可載任器以共役疏知士車有漆飾者按唐傳
云古之帝王必有命民於其君得命然後得乘飾車駢
馬衣文駢錦注云飾漆之駢併也○考工記有虞氏土
陶夏后氏上匠殷人上梓周人上輿故一器而工聚焉
者車為多注官各有所尊王者相變也舜至質貴陶器

甌大瓦棺是也禹治洪水民降邱宅土卑宮室盡力乎
溝洫而尊匠湯放桀疾禮樂之壞而尊梓武王誅紂疾
上下失其服飾而尊輿車周所上也疏工有輪人輿人
車人就職中仍有輶人是一器工聚者車最多

車輪考

考工記凡察車之道必自載於地者始也是故察車自
輪始凡察車之道欲其樸屬音燭而微至不樸屬無以為
完久也不微至無以為戚速也注樸屬猶附著堅固貌

也齊人名疾為戚速疾也微至謂輪至地者少言其圜

甚著地者微耳著地者微則易轉○又輪已崇則人不

能登也輪已庫

音婢

則於馬終古登阤

音弛

也故兵車之輪

六尺有六寸田車之輪六尺有三寸乘車之輪六尺有

六寸六尺有六寸之輪軹崇三尺有三寸也加軫與轡

音僕

馬四尺也人長八尺登下以為節注已大也甚也齊

人之言終古猶言常也阤阪也輪庫則難引此以馬大

小為節也兵車革路也田車木路也乘車玉路金路象

路也兵車乘車駕國馬田車駕田馬六尺六寸之輪此車之高者也軫輿也軹轂末也轆謂伏兔也此軫與轆并七寸田車又宜減焉乘車之軌廣取數於此軌廣八尺旁出輿亦七寸也

按軫本輿後橫木之名前言車軫四尺謂之一等言其去地之數也輿人言六分其廣以一為之軫圍言其木之方圍也軫為輿下材則輿亦可謂之軫此言加軫與轆輈人言五分其軫間

又云軫之方也以象地疏云據輿方而言不言輿言軫者軫是輿之本故舉以言之也

又輪人為輪斬三材必以其時三材既具巧者和之轂也者以為利轉也輻也者以為直指也牙也者以為固抱也輪敝三材不失職謂之完望而眡其輪欲其慎音覓

爾而下也進而眡之欲其微至也無所取之取諸圜

也望其輻欲其掣

音宵

爾而纖也進而眡之欲其肉稱也

無所取之取諸易直也望其轂欲其眼

魚反

也進而眡

之欲其幬

音幬

之廬也無所取之取諸急也眡其綆

音餅

欲

其蚤

音爪

之正也察其菑

側史反

蚤不齟

五構反

則輪雖敝不

匡注三材所以為轂輻牙

音訝

也斬之以時材在陽則中

冬斬之在陰則中夏斬之今世轂用雜榆輻以檀牙以

檀也和之調其鑿內

音銳

而合之利轉者轂以無有為用

也牙謂輪輳也完敝盡而轂輻牙不動輪謂牙也輗均

致貌也進猶行也

進者人近前非謂輪行也

微至至地者少也非有

他也圜使之然也掣纖殺小貌也肉稱宏殺好也眼突

出貌也。幬，幔轂之革也。革急則裹木，廉隅見，蚤當為爪。

謂輻入牙中者也。綆，讀為餅，謂輪算。

薄計反

也。輪雖算爪

牙必正也。菑，謂輻入轂中者也。菑與爪不相侔。

音詭

乃後

輪敝盡不匡刺。

音棘

也。疏老子云：三十輻共一轂，當其無

有車之用，註無有謂空虛轂中空虛輪得行。凡造車輪皆向外算，則車不掉輪。雖算爪入牙中鑿孔必正直，不隨邪也。

按圓物中隆起者謂之算，綆為輪算，謂三十輻

向外隆起不使其平所以必使外算者何也輪
輻若平則力均行時可掉向內亦可掉向外須
令一邊偏重則不掉向內矣作綆之法鑿牙之
孔仍正鑿不偏但輻入牙處用邊筭一邊有一
邊缺以缺邊向外則向外算重勢在外矣此物
理甚微余親驗之今車必向外算所以牙孔正
而輻不平者因用邊筭故後人不知物理妄解
綆為輪外一重護牙護牙當以鐵裹用綆何為

乎綆是活動之字非輪上有一物名綆也

又凡斬轂之道必矩其陰陽陽也者稹音真理而堅陰也

者疏理而柔是故以火養其陰而齊諸其陽則轂雖敝

不敝

好角反

轂小而長則柞大而短則摯音熱是故六分其

輪崇以其一為之牙圍參分其牙圍而漆其二榑音郭其

漆內而中詘

音屈

之以為之轂長以其長為之圍以其圍

之防

音勒梢音宵

其數五分其轂之長去一以為賢去三以

為軹注矩謂刻識之也稹致也火養其陰炙堅之也敝

蔽暴陰柔後必撓減幬革暴起小而長則留中弱大而短則轂末不堅六尺六寸之輪牙圍尺一寸不漆其踐地者也漆者七寸三分寸之一不漆者三寸三分寸之二令牙厚一寸三分寸之二則內外面不漆者各一寸也六尺六寸之輪漆內六尺四寸是為轂長三尺二寸圍徑一尺三分寸之二也

按徑一不止圍三圍三不及徑一鄭皆用徑一圍三粗率

未密也

榑者度兩漆之內相距之尺寸也消除也防三分

之一也鄭司農云數謂轂空

音孔

壺中也元謂此數徑三

寸九分寸之五壺中當輻菑者也數者衆輻之所趨也
賢大穿也軹小穿也此大穿徑八寸十五分寸之八小
穿徑四寸十五分寸之四大穿甚大似誤矣大穿實五
分較長去二也去二則得六寸五分寸之二凡大小穿
皆謂金也今大小穿金厚一寸則大穿穿內徑四寸五
分寸之二小穿穿內徑二寸五分寸之四如是乃與數
相稱也

按數為轂壺中當輻菑之處鄭所計甚密下文

量其數以黍謂量兩較之壺中如以黍量黃鍾之法也後人解數為輻留所入之三十孔誤矣三十孔但謂之鑿不名為數

又參分其較長二在外一在內以置其輻注較長三尺二寸者令輻三寸半則輻內九寸半輻外一尺九寸○

又凡輻量其鑿深以為輻廣輻廣而鑿淺則是以大抗凡音雖有良工莫之能固鑿深而輻小則是固有餘而強

不足也故竝

音宏

其輻廣以為之弱則雖有重任較不折

參分其輻之長而殺其一則雖有深泥亦弗之濂

黏音也

注廣深相應則固足相任也抗搖動貌強不足言輻弱

不勝較之所任也較不折言力相稱也弱留也竝謂度

之殺哀小之也濂謂泥不黏著輻也○又參分其股圍

去一以為較

胡能反

圍注謂殺輻之數也股謂近較者也

較謂近牙者也○又揉輻必齊平沈必均直以指牙牙

得則無槲

音藝

而固不得則雖有槲必足見也六尺有六

寸之輪綆參分寸之二謂之輪之固注揉謂以火槁之

衆輻之直齊如一也平沈謂浮之水上無輕重得謂倨
句鑿內相應也槩音也必足見言槩大也輪算則車
行不掉參分寸之二者出於輻股鑿之數也疏鑿牙之
時孔向外侵三分寸之二使輻股外算故云輻股鑿之
數也

按疏說則牙上鑿孔不正矣非也牙孔仍正鑿
但輻之柄不用正中使缺一邊則輻股向外參
分寸之二矣余嘗親驗之

又凡為輪行澤者欲杼行山者欲侔杼以行澤則是刀

以割塗也是故塗不附侔以行山則是搏以行石也是

故輪雖敝不甌

音各

於鑿凡揉牙外不廉而內不挫旁不

腫謂之用火之善注杼謂削薄其踐地者侔上下等附

著也搏圜厚也甌亦敝也以輪之厚石雖齧之不能敝

其鑿旁使之動廉絕也挫折也○又是故規之以眡其

圜也萬

音矩

之以眡其匡也縣之以眡其輻之直也水之

以眡其平沈之均也量其數以黍以眡其同也權之以

眡其輕重之侔也故可規可萬可水可縣可量可權也

謂之國工注輪中規則圓矣等為萬萋

音屢

以運輪上輪

中萬萋則不匡刺也輪輻三十上下相直從旁以繩縣

之中繩則鑿正輻直矣平漸其輪無輕重則斲材均矣

黍滑而齊以量兩壺無贏不足則同侔等也稱兩輪鈞

石同則等矣輪有輕重則引之有難易國工國之名工

車上蓋亦輪人為之今不錄

按萬之以眡其匡有解萬同矩匡為方者非也

凡物圓中規者四角量之方必中矩不必再以
矩量也匡者匡枉不平正也別作萬萋以運輪
上不高不下則輪平正不匡枉今試輪之法別
置一物於輪旁運輪數周適與彼物相當則輪
平正即古人萬之以眡其匡之法

車輿考

兼考
式

考工記輿人為車輪崇車廣衡長參如一謂之參稱注
稱猶等也車輿也衡之長容兩服疏參如一者謂俱六

尺六寸也容兩服者服馬也以其駢馬別有轡鬲引車故衡唯容服也○又參分車廣去一以為隧參分其隧一在前二在後以揉其式以其廣之半為之式崇以其隧之半為之較

古角反

崇注隧謂車輿深也兵車之隧四

尺四寸兵車之式深尺四寸三分寸之二兵車之式高三尺三寸較兩轡上出式者兵車自較而下凡五尺五寸疏隧謂車輿之縱凡人所乘車皆取橫濶以或參乘或四乘故橫則六尺六寸此隧輿之縱三分六尺六寸

取二分以四尺四寸為之鄭言兵車其實乘亦同也式謂人所憑依而式敬故名此木為式也較謂車輿兩相今人謂之平鬲也言兩較謂車相兩旁豎之者二者既別而云較兩轆上出式者以其較之兩頭皆置于轆上二木相附故據兩較出式而言之

按車輿之制前與左右皆有板而缺其後以升下言其前後之深謂之隧三分其隧一在前深一尺四寸三分寸之二者謂之式二在後深二

尺九寸三分寸之一者為兩轆轤上左右各一木縱置之謂之較其輿之形前低而後高式高三尺三寸兩轆轤上之較高五尺五寸經文與鄭注本分明疏家因後世名平鬲一若三面皆平者於是式較之制不分明後之作圖者皆不知作前低後高之形而輿制失矣式本是木名下文參分軫圍去一以為式圍是也若以地言則通隧前三分之一處皆名為式蓋式是揉木作

三曲之形

或是用兩曲木
交於前連合之

在前可憑式者固是

式左右曲向後接兩轎左人可憑左手右人可
憑右手者亦是式所以必用曲木者欲令曲處
彎環不觸人手也若較自是兩直木置轎上人
長八尺較高五尺五寸小俯則憑之其憑也立
左可憑左手立右可憑右手不能兩手俱憑也
曲禮尸必式孔疏云古者車箱長四尺四寸而
三分前一後二橫一木下去車牀三尺三寸謂

之為式又於式上二尺二寸橫一木謂之為較
較去車牀五尺五寸於是立乘若平常則憑較
詩云猗重較兮是也又若應為敬則落手隱下
式而頭得俯俛故後云式視馬尾是也此疏甚
誤式不止橫一木在前兩旁仍有鉤曲而後各
一尺四寸有奇較有兩本是縱置乃謂式上二
尺二寸橫一木謂之較是式之制先不明而較
亦因之而誤此較式之間二尺二寸有板乎無

板乎如有板掩則人如何能落手憑式且式上有皮謂之臂如何能覆若無板則人俯而憑式其頭豈不觸較乎較高五尺五寸御者亦甚不便執策執轡矣詩言重較謂兩較在轎上高於前之式若兩重然故曰重較非謂兩橫木相重也毛傳謂重較卿士車此亦不然車制尊卑同唯車飾異孔疏亦云周禮無重較單較之文矣而較之為縱置者終不明由其不知式制也

又六分其廣以一為之軫圍參分軾圍去一以為式圍
參分式圍去一以為較圍參分較圍去一以為軾圍參
分軾圍去一以為軾音對圍注軾輿後橫者也兵車之軾

圍尺一寸兵車之式圍七寸三分寸之一兵車之較圍
四寸九分寸之八兵車之軾圍三寸二十七分寸之七
軾輿之植者橫者也與轂末同名兵車之軾圍二寸八
十一分寸之十四軾式之植者橫者也軾者以其鄉人
為名○又圍者中規方者中矩立者中縣衡者中水直

者如生馬繼者如附焉較車欲弇飾車欲侈注治材居材如此乃善也如生如木從地生如附如附枝之宏殺也棧車欲弇為其無革輓不堅易圻壞也飾車謂革輓輿也大夫以上革輓輿

按輿之三而及底皆以板作之其交接處牝牡相銜以為固輿後橫木為軫以為車之本板之上端有式有較以為憑較式之下各有橫直之小木為軹為輶作於板內縱橫相持皆所以固

板者也輿自後升蔽後戶者曰簞第以竹作之

輿下三面謂之軌音范又有伏兔以銜軸見後

車轅考

考工記輅人為輅輅有三度軸有三理國馬之輅深四

尺有七寸田馬之輅深四尺駕馬之輅深三尺有三寸

軸有三理一者以為媿音美也二者以為久也三者以為

利也軌音范前十尺而策半之注輅車轅也詩云五檠梁

輅國馬謂種馬戎馬齊馬道馬高八尺兵車乘車軼崇

三尺三寸加軫與轆七寸又并此軾深則衡高八尺七寸也除馬之高則餘七寸為衡頸之間也鄭司農云深四尺七寸謂轅曲中田馬軾崇三尺一寸半并此軾深為七尺一寸半今田馬七尺衡頸之間亦七寸則軾與轆五寸半則衡高七尺七寸輪軾與軾轆大小之減率寸半也則駕馬之車軾崇三尺加軾與轆四寸又并此軾深則衡高六尺七寸也今駕馬六尺除馬之高則衡頸之間亦七寸燬無節目也久堅紉也利滑密軾前十

尺謂輶軌以前之長也策御者之策也軌是軌法也謂輿下三面之材輶式之所封音樹持車正也

按輿下唯後有軫餘三面皆無材若有三面板則兩旁之材有礙於轂之轉矣輿三面板及底板皆以牝牡相銜如今人作箱之法輶式之軌對附著板內非樹之於三面材上也鄭言三面材因下文任正而誤說見後

又凡任木任正者十分其輶之長以其一為之圍衡任

者五分其長以其一為之圍小於度謂之無任五分其軫間以其一為之軸圍十分其軾之長以其一為之當兔之圍參分其兔圍去一以為頸圍五分其頸圍去一以為踵圍注凡任木目車持任之材任正者謂輿下三面材持車正者也軻軻前十尺與隧四尺四寸凡丈四尺四寸則任正之圍尺四寸五分寸之二衡任者謂兩軻之間也兵車乘車衡圍一尺三寸五分寸之一無任言其不勝任軸圍亦一尺三寸五分寸之一與衡任相

應當免輶當伏免者也亦圍尺四寸五分寸之二與任正者相應頸前持衡者圍九寸十五分寸之九踵後承軫者也圍七寸七十五分寸之五十一

按任木與下文為目任正者謂輶在輿下即下文十分其輶之長以其一為之當免之圍者也衡任謂軸即下文五分其軫間以其一為之軸圍者也同一輿也以縱言之曰任正輶任之以橫言之曰衡任軸任之輿下別無三面之材若

有之當與人作之不當言之於輶人矣衡任唯指軸若輶前之衡圍經未言或可因軸見之謂衡任為衡則非經意也

又凡揉輶欲其孫而無弧深注孫順理也弧木弓也凡弓引之中參中參深之極也揉輶之倨句如二可也如三則深傷其力疏輶軌前十尺國馬之輶深四尺七寸與二不相應者當通一丈四尺四寸并輶下數之故得二也二者輶總長丈四尺四寸且取丈二尺得四尺餘

二尺四寸復得八寸總為四尺八寸是國馬之輶猶不
滿二之數也言二舉大而言○又今夫大車之輶摯其
登又難既克其登其覆車也必易此無故唯輶直且無
橈也是故大車平地既節軒摯之任及其登阨不伏其
輶必縊其牛此無故唯輶直且無橈也故登阨者倍任
者也猶能以登及其下阨也不援其卽必縊音秋其牛後
此無故唯輶直且無橈也注大車牛車也摯輶音周也輶重
也登上阨也克能也阨阨也倍任用力倍也疏輶人主

為四馬車轅因說駕牛者亦須曲撓之意○又是故輶

欲頤

音懇

典

音珍

輶深則折淺則負輶注則利準利準則久

和則安注頤典堅勿貌揉之大深傷其力馬倚之則折

也揉之淺則馬善負之

按輶注則利準謂揉之不深不淺便利而準平久者不敝安者

人馬皆安也

○又輶欲弧而無折經而無絕進則與馬謀退

則與人謀終日馳騁左不捷

音倦

行數千里馬不契

苦結反

需

音需

終歲御衣衽不敝此唯輶之和也注揉輶大深則折

經亦謂順理也言進退之易與人馬之意相應捷或作

券券今倦字也。輶和則久馳騁載在左者不罷倦尊者
在左契讀為爰契我龜之契需讀為畏需之需衽謂裳
也和則安是以然也。○又勸登馬力馬力既竭輶猶能
一取焉良輶環澿自伏兔不至軋七寸軋中有澿謂之
國輶注登上也。輶和勸馬周力馬止輶尚能一前取道
喻易進伏兔至軋蓋如式深兵車乘車式深尺四寸三
分寸之二澿_{漆也}下至軋七寸則是半有澿也。輶有筋膠
之被用力均者則澿遠疏伏兔銜車軸在輿下短不至

軌軌即輿下三面材也

輿下三面皆謂之軌

用力均謂軌前十尺

并入式下曲直皆用力均則漆入式下七寸是灑遠也

按軌之出軌前曲處名疾大行人倭伯立當前疾

按伏兔即前加軫與轆之轆置於輿底有二其長當一尺四寸有奇其高加于軸上稍過於轂使轂可轉其銜軸之處今人作又銜之古制亦當然也轆又謂之輓左傳車說其輓易大畜九二輿說輓說輓則輿與軸離不能行矣小畜九

三輿說輻輳亦當為輶也

車馬考

秦風小戎伐收五檠

音木

梁輶游環脅驅陰鞞蓋續文茵

暢轂駕我騏驎

音注

傳小戎兵車也伐淺收軫也五五束

也檠歷錄也梁輶輶上句衡也一輶五束束有歷錄游

環鞞環也

按鞞環本作鞞環

游在背上所以禦出也脅驅慎駕

具所以止入也陰揜軌也鞞所以引也蓋白金也續續

鞞也文茵虎皮也暢轂長轂也騏驎文也左足白曰驎

箋此羣臣之兵車故曰小戎游環在背上無常處貫驂
之外轡以禁其出脅驅者著服馬之外脅以止驂之入
揜軌在軾前垂軛上蓋續白金飾續鞞之環疏兵戎之
車大小相同而謂之小戎者六月云元戎十乘以先啓
行先啓行者為大戎從後行者為小戎
一說對大車
言之為小戎軛
者車之前後兩端之橫木所以收斂所載故名收
按輿
前無木軛
兵車前軛至後軛唯深四尺四寸太車平地載任之
車軛服長八尺兵車之軛比之為淺故謂之淺軛人之

升車自後登之入於車內故以深淺言之五檠是轅上

之飾以皮革五處束之以為文章歷錄然也梁輶輶上

曲句衡衡者軌也轅從軫以前

當云從前軌以前

稍曲而上至

衡則居衡之上而向下句之如屋之梁然故謂之梁輶

游環貫鞮

按游環不貫鞮

在背上故謂之鞮環也貫兩驂馬之

外轡引轡為環所束驂馬欲出此環牽之故所以禦出

也定本作鞮環

按定本非也

脅驅者以一條皮上繫於衡後

繫於軫

車前無軫當繫於陰板上

當服馬之脅也驂馬欲入則此皮

約之所以止入也陰揜軌者謂輿下三面材以板木橫

側車前所以陰映此軌

按輿之揜板謂之陰三面皆有陰此指前面言之故云揜軌不

必言陰映此軌

故云揜軌也鞞以皮為之繫於陰板之上

即塗續之

環

何則此車衡之長唯六尺六寸止容二服而已駟馬

頸不當衡別為二鞞以引車

一駟馬當以二韋帶繫于頸併為一鞞

兩服

齊首兩駟雁行明駟馬之首不與服馬齊

駟馬當服馬之胸

襄

十四年左傳射兩鞞而還服虔云鞞車軌也兩軌義馬

頸者是一衡之下唯有服馬二頸也哀二年左傳兩鞞

將絕是橫軌之前別有駢馬二靽也釋名云蓋沃也治白金以沃灌靽環也續續靽端也暢轂言長於大車之

轂

大車轂尺有二寸
兵車轂三尺二寸

按毛傳游環靽環也陸氏釋文云靽環居覲反

又作靳沈云舊本皆作靳靳者言無常處游在

駢馬背上

當作服馬背上

以駢馬外轡貫之以止駢馬

之出左傳云如駢之有靳

定九年王猛謂東郭書曰吾從子如駢之

靳無有字

居轡反無取於靽也此謂毛傳靽環之靽

本作靳而今定本作鞞者非也鞞別是一物驂
馬所以引車游環唯貫驂馬之外轡不貫鞞故
云無取於鞞孔疏因定本作鞞環謂以環貫鞞
誤矣如釋文之說則左傳之靳即此經之游環
以其靳制驂馬言之謂之靳以其為環形而游
動謂之游環若鞞在驂馬背上與靳異矣說文
云靳當膺也左傳杜注云靳車中馬也疏云靳
是當胸之皮驂馬之首當服馬之胸胸上有靳

此皆非確詁集傳引左傳誤作如駢之有靽既多一有字又訛靽為靽後又云靽亦謂之靽是誤合靽靽為一物皆因毛傳靽環後作靽環而誤陰靽之靽釋文音允其云居覲反者本謂毛傳靽環之靽非謂詩之靽舊本作靽也字與靽字引釋文亦誤脅驅用皮當是繫於陰板之下端有小環而經未言車無前軫疏謂後繫於軫亦非也

又四牡孔阜六轡在手騏驎是中馬驪是驂龍盾之合

蓋以鰭

反古穴

車 軛音

傳黃馬黑喙曰駟龍盾畫龍於盾也

合而載之軛驂內轡也箋赤身黑鬣曰駟中中服也驂

兩駢也軛之鰭

舌環之有者

以白金為飾也軛繫於軾前疏

蓋以鰭軛以白金飾皮為鰭

按鰭之環當是以鐵為之

以納物也四

馬八轡而經傳皆言六轡明有二轡當繫之馬之有轡

者所以制馬之左右令之隨逐人意驂馬欲入則偏於

脅驅內轡不須牽挽故知軛者納驂內轡繫於軾前以

繫之處以白金為艘也。○大雅王錫韓侯淑旂綏音緒章

簟第錯衡玄衮赤舄鉤膺鏤錫

羊音鞞鞞

反苦宏

淺幘

莫歷反

絳革金厄傳淑善也交龍為旂綏大綏

音

也錯衡文衡

也鏤錫有金鏤其錫也鞞革也鞞軾中也淺虎皮淺毛

也幘覆式也箋簟第漆簟以為車蔽今之藩也鉤膺樊

纓也眉上曰錫刻金飾之今當盧也絳革謂轡也以金

為小環往往纏搯之疏軾者兩較之間有橫木可憑者

鞞鞞者以去毛之皮施於軾之中央持車使牢固也。○

又韓侯出祖出宿于屠顯父餞之其贈維何乘馬路車
箋顯父周公卿也○秦風我送舅氏曰至渭陽何以贈
之路車乘黃傳乘黃四馬也

舅氏秦康公母舅公子重耳也穆公納之康公時為

太子贈送之

○曲禮夫為人子者三賜不及車馬故州閭鄉

黨稱其孝也兄弟親戚稱其慈也僚友稱其弟也執友
稱其仁也交遊稱其信也注三賜三命也凡仕者一命
而受爵再命而受衣服三命而受車馬有車馬而身所
以尊者備矣卿大夫士之子不受不敢以成尊比踰於

父兄不敢重受賜者心也如此而五者備有馬僚友官同者執友志同者○玉藻君賜車馬乘以拜賜○又獻車馬者執策綏䟽策是馬杖綏是上車之繩車馬不上於堂不可投進尊者之前但執策綏易呈呈之則知有車馬○少儀車則說音脫綏執以將命䟽獻車馬者執策綏故知陳車馬而說綏執以將命○坊記父母在饋獻不及車馬示民不敢專也注車馬家物之重者

綏考

曲禮君車將駕則僕執策立於馬前已駕僕展軫效駕
奮衣由右上取貳綏跪乘執策分轡驅之五步而立君
出就車則僕并轡授綏左右攘辟注監駕且為馬行展
軫具視效駕白已駕奮振去塵也貳副也跪垂未敢立
敬也驅之調試之授綏車上僕所主左右攘辟謂羣臣
陪位侍駕者攘却也疏古者僕用好人為之故孔子曰
吾執御矣又云子適衛冉有僕及周禮諸僕皆用大夫
士也別有人牽馬駕車而此僕既知車事故監駕也軫

車闌也。駕竟，僕則從車輪左右四面看視之。至於闌也，由右上者，君位在左，故辟君空位。綏登車，索綏有二：一是正綏，擬君之升；一是副綏，擬僕右之升。分轡六轡，分置兩手，各得三轡也。君初來，欲上，僕并六轡及策置一手中，所餘一空手，取正綏授與君，令登車也。當右手并轡，左手授綏，轉身向後引君上也。○少儀：執君之乘車，則坐僕者右，帶劍負良綏，申之面，拖諸臂。音覓以散綏升，執轡然後步，注執執轡，謂守之也。君不在中，坐示不

行也面前也臂覆苓也良綏君綏也負之由左肩入

右腋下申之於前覆苓上也步行也疏君在左若左帶

劍則妨於君故右帶也良善也善綏君綏也君由後升

僕者在車背後面前取君綏由左腋下加左肩上繞背

入右腋下申綏之末於面前而擲末於車前臂上也

此謂

僕者安置君綏之儀君登車則僕右手執策轡左手授綏於君也

以散綏升者謂初升

時也散綏副綏也僕登車既不得執君綏故執副綏而

升也綏既有二種明良綏君綏其散綏則本繫於車僕

者擊之而登車也

良綏亦當本繫於車

○曲禮凡僕人之禮必授

人綏若僕者降等則受不然則否若僕者降等則撫僕之手不然則自下拘之注撫小止之謙也自下拘之由僕手下取之也僕與已同爵則不受䟽不然則否謂僕者敵體雖御其主人宜謙不受其綏也○少儀僕於君子君子升下則授綏

按升車必正立執綏謂方上車時御者授綏正立於車下而挽之以升也既在車中則無所用

綏矣曲禮少儀皆無車上執綏之文賈誼容經云立乘以經立之容右持綏而左臂詘此說非是

席考

春官司几筵注筵亦席也鋪陳曰筵藉之曰席然其言之筵席通矣疏設席之法先設者皆言筵後加者為席假令一席在地或亦云筵所云筵席唯據鋪之先後為名其筵席止是一物○公食大夫禮蒲筵常緇布純

準音

加荏

音九

席尋元帛純皆卷自末注文六尺曰常半常曰

尋純緣也荏細葦也末經所終有以識之必長筵者以
有左右饌也疏席無異物為記但織之自有首尾可為
記識耳賓在戶牖之間南面陳饌之時正饌在左庶羞
在右陳饌雖不在席上皆陳於席前當席左右其間容
人故為長筵也○曲禮羣居五人則長者必異席注席
以四人為節因宜有所尊疏既長者一人異席餘則四
人矣公食大夫禮云蒲筵常加荏席尋此以蒲席者

長筵

丈六尺也

故得容四人此羣居之法若賓主禮席皆無同坐

之法故鄉飲酒賓介異席又云衆賓之席皆不屬不相

連屬也鄉射衆賓之席繼而西謂相連屬也燕禮及大

射公三重大夫再重是皆異席也○又奉席如橋

居廟反

衡注橫奉之令左昂右低如有首尾然橋井上榑

音榑結

音鼻衡上低昂疏席卷則無首尾此謂卷席奉之法故注

云如有首尾然言如有則實無首尾至於舒席之時則

有首尾故公食禮云卷自末注云末終也終則尾也○

又請席何鄉請任何趾注順尊者所安也任卧席也

坊按

記云任席之上讓而坐下民猶犯貴此通言之任亦為坐席若分言之任為卧席也

坐問鄉卧問

趾因於陰陽疏既奉席來當隨尊者所欲眠坐從尊者所安○又席南鄉北鄉以西方為上東鄉西鄉以南方為上注布席無常此其順之也上謂席端也坐在陽則上左坐在陰則上右疏南坐是陽其左在西北坐是陰其右亦在西坐在東是在陽以南方為上坐在西是在陰亦以南方為上亦是坐在陽則上左坐在陰則上右

此據平常布席如此若禮席則不然鄉飲酒禮註云賓席牖前南面主人席阼階上西面介席西階上東面與此不同是也

按此謂室中布席之法以西為上者統於奧以南為上者統於堂也

又若非飲食之客則布席席間函丈注謂講問之客也函猶容也講問宜相對容丈足以指畫也飲食之客布席於牖前疏既來講問則所布兩席中間相去使容一

丈之地足以指畫也文王世子云侍坐於大司成遠近間三席席之制三尺三寸三分寸之一則三席是一丈故云容丈也相對者唯講說之客耳不在牖前或在於室○又主人跪正席客跪撫席而辭客徹重席主人固辭客踐席乃坐注雖來講問猶以客禮待之異於弟子撫之者答主人之親正徹去也去重席謙也再辭曰固客安主人乃敢安也疏撫謂以手按止之也席尊者多卑者少故主人為客設多重席客謙而自徹也

或問聖人席不

正不坐矣。豈必君賜食而後正之耶？朱子曰：「席固正矣。明坐而又正焉，所以為禮也。」曲禮：「主人既迎賓，則請入為席矣。」賓既升堂，主人則又跪正席。夫豈先為不正之席至此，然後正之哉？蓋敬慎之至耳。○又虛

坐盡

音儘

後注謙也。○又食坐盡前，注為「汙席疏虛空也」。

謂非飲食坐不敢近前，以為謙。玉藻：「徒坐不盡席尺。」是也。古者地鋪席而俎豆皆陳於席前之地。若坐近後，則濺汙席，故盡前也。玉藻：「讀書食則齊豆去席尺是也。」○

又毋踏

在亦反

席。摠衣趨隅，注趨隅升席必由下也。疏：「踏

猶躐也。」席既地鋪，當有上下，將就坐當從下而升，當已

位上不發初從上從上為躡席也既不踏席當兩手提裳之前徐徐向席之下角從下而升當已位而就坐也

○玉藻登席不由前為

于偽反

躡席注升必由下也疏失

節而踐為躡席應從下升若由前升是躡席也鄉飲酒記云主人介凡升席自北方降自南方注云席南上升由下降由上由便若其尋常無事則升由下而降由上若賓則升降皆由下也○又徒坐不盡席尺注示無所求於前不忘謙也○又讀書食則齊豆去席尺注讀書

聲當聞尊者食為汙席也。○少儀汙席曰埽。埽席前曰

拊

音真

拊席不以鬣

音獵

執箕膺搗

音葉

注鬣謂帚也。帚恒埽

地不潔清也。膺親也。搗舌也。持箕將去糞者以舌自鄉。疏埽席上不得用埽地帚。

杖考

秋官伊耆氏共王之齒杖。注伊耆古王者號始為蜡。以息老物。此主王者之齒杖。後王識伊耆之舊德而以名官。與齒杖王之所以賜老者之杖。鄭司農云謂年七十當

以王命受杖者元謂王制曰五十杖於家六十杖於鄉七十杖於國八十杖於朝疏若不得王賜者自拄之先鄭唯據七十故後鄭增成之○王制五十杖於家六十杖於鄉七十杖於國八十杖於朝七十不俟朝疏大夫士年老而聽政事者則七十杖於國朝君之時入門至朝位君出揖之即退不待朝事畢也若不聽致事則祭義云七十杖於朝八十不俟朝○曲禮大夫七十而致事若不得謝則必賜之几杖注致其所掌之事於君而

告老謝猶聽也其有德尚壯則不聽耳○又謀於長者
必操几杖以從之注從猶就也○又進几杖者拂之注
尊者所馮侑拂去塵也○呂氏春秋孔子以六尺之杖
論貴賤之等辨親疏之義○賈誼容經子贛由其家來
謁於孔子孔子正顏舉杖罄折而立曰子之大親母乃
不寧乎放杖而立曰子之兄弟亦得無恙乎曳杖倍而
行曰妻子家中得無病乎故身之倨侑手之高下顏色
聲氣各有宜稱所以明尊卑別疏戚也

鄉黨圖考卷八

欽定四庫全書

經部
鄉黨圖考卷十九

詳校官左都御史_臣李綬

侍讀_臣孫球覆勘

總校官編修_臣王燕緒

校對官待詔_臣胡士震

謄錄監生_臣王志遠

欽定四庫全書

鄉黨圖考卷九

婺源江永撰

容貌

容通考

少儀言語之美穆穆皇皇朝廷之美濟濟翔翔祭祀之

美齊齊皇皇車馬之美匪匪

音

翼翼鸞和之美肅肅雍

雍注匪讀如駢美皆當為儀周禮教國子六儀一曰祭

祀之容二曰賓客之容三曰朝廷之容四曰喪紀之容
五曰軍旅之容六曰車馬之容疏言語謂與賓客言語
○又賓客主恭祭祀主敬喪事主哀會同主誨注恭在
貌也而敬又在心誨謂敏而有勇○又執虛如執盈入
虛如有人注重慎○玉藻君子之容舒遲見所尊者齊
側皆速音足容重手容恭目容端口容止聲容靜頭容
直氣容肅立容德色容莊坐如尸燕居告溫溫注齊速
謙慤貌也速猶蹙蹙也足容重舉欲遲也手容恭高且

正也目容端不睇視也口容止不妄動也聲容靜不噦
效也頭容直不傾顧也氣容肅似不息也立容德如有
予也

此說未妥容德者儼然有德氣象即立如齊之意

色容莊勃如戰色尸居

神位敬慎也告謂教使也疏舒遲閒雅也齊遽言自斂
持迫促不敢自寬奢也色容莊者欲常矜莊不致變動
也燕居謂私燕所居色尚和教人使人之時唯溫溫不
尚嚴慄○又凡祭容貌顏色如見所祭者注如親覩其
人在此○又喪容纍纍

良追反

色容顛顛

音田

視容瞿瞿

音倨

梅梅言容繭繭注纍纍羸敗貌也顛顛憂思貌也瞿瞿

梅梅不審貌也繭繭聲氣微也○又戎容暨暨言容諮

諮

音額

色容厲肅視容清明注暨暨果毅貌也諮諮教令

嚴也厲肅義形貌也清明察於事也疏厲嚴也肅威也

以義斷割使義形貌故嚴威也○又立容辨音貶卑無調

誦

音頭

頭頸必中山立時行盛氣顛

音田

實揚休玉色注辨讀

為貶自貶卑謂磨折也調謂傾身以自下也必中頭容

直山立不搖動也時行時而後行也詩云威儀孔時顛

讀為闐揚讀為陽盛身中之氣使之闐滿其息若陽氣之體物也玉色色不變也

按立容以下通言凡容貌疏謂皆戎容者誤也盛氣顛實揚休一說休當為昀氣之充於體如陽之蒸煦愚謂休當讀如字美也謂氣充實於體揚其休美於外如云充實而有光輝也朱子贊程明道先生云揚休山立玉色金聲則休讀平聲如字玉色溫潤而栗也

曲禮童子立必正方不傾聽注習其自端正○又從於先生不越路而與人言遭先生於道趨而進正立拱手先生與之言則對不與之言則趨而退注不越路而與人言尊不二也先生老人教學者趨而進正立拱手謂有教使趨而退謂其不欲與已竝行○又從長者而上丘陵則必鄉長者所視注為遠視不察有所問○又登城不指城上不呼注為惑人○又母側聽母噉音咄應母淫視母怠荒遊母倨立母跛音跛坐母箕寢母伏斂髮母

髻

音替

冠母免勞母袒暑母褰裳注母側聽嫌探人之私

也側聽耳屬於垣母噉應以下皆為其不敬噉號呼之

聲也淫視睇眄也怠荒放散身體也跛偏任也伏覆也

髻

音陂

也母垂餘如髮也免去也褰祛也疏噉謂聲響

高急如呌之號呼也應答宜徐徐而和不得高急淫謂

流移也目當直瞻視不得流動邪眄也遊行也身當恭

謹不得倨慢也跛謂挈舉一足一足蹋地立宜如齊雙

足並立不得偏也箕謂舒展兩足狀如箕舌也卧當或

側或仰而不覆古人垂髮以纓韜之不使垂也冠常著於首不可脫袒露也雖有疲勞之事厭患其衣而不得袒露身體暑雖炎熱而不得褰祛取涼也○又坐如尸

立如齊

側皆反

注如尸視貌正如齊磬且聽也齊謂祭祀

時疏尸居神位坐必矜莊雖不為尸若所在坐法必當如尸之坐人之倚立多慢不恭故戒之云倚立之時雖不齊亦當如祭前之齊必須磬折屈身此立謂侍尊者之時○賈誼容經容有四起朝廷之容師師然翼翼然

整以敬祭祀之容遂遂然粥粥音燭然敬以婉軍旅之容

福音逼然肅然固以猛喪紀之容恻音窈然懾然若不還容

經也若夫立而跛彼寄反坐而蹠音駢足不正也體怠懈志驕傲

趨視趨音驂趨視者旁視流眄也數音朔顧容色不比毗志反動靜不以

度妄咳唾疾言嗟氣不順皆禁也○禮器有以素為貴

者父黨無容䟽父之族黨是親質素故事之無有折旋

揖讓之容○左傳衛侯在楚北宮文子見令尹圍之威

儀言於衛侯曰詩云敬慎威儀惟民之則令尹無威儀

民無則焉公曰何謂威儀對曰有威而可畏謂之威有儀而可象謂之儀君有君之威儀其臣畏而愛之則而象之故能有其國家令聞長世臣有臣之威儀其下畏而愛之故能守其官職保族宜家順是以下皆如是是以上下能相固也衛詩曰威儀棣棣不可選也言君臣上下父子兄弟內外大小皆有威儀也周詩曰朋友攸攝攝以威儀言朋友之道必相教訓以威儀也故君子在位可畏施舍可愛進退可度周旋可則容止可觀作

事可法德行可象聲氣可樂動作有文言語有章以臨
其下謂之有威儀也注棣棣富而閒也選數也攝佐也
○又單子會韓宣子于戚視下言徐叔向曰單子其將
死乎朝有著定會有表衣有襜音帶音帶有結會朝之言必
聞於表著之位所以昭事序也視不過結襜之中所以
道音容貌也言以命之容貌以明之失則有闕今單子
為王官伯而命事於會視不登帶言不過步貌不道容
而言不昭矣不道不共不昭不從無守氣矣注著定朝

內列位常處謂之表著野外設表以為位禮會

說文
禮帶

也 所結

結帶所結也貌正曰恭言順曰從為此年冬單子

卒起本○又定公十五年春邾隱公來朝子貢觀焉邾
子執玉高其容仰公受玉卑其容俯子貢曰以禮觀之
二君者皆有死亡焉夫禮死生存亡之體也將左右周
旋進退俯仰於是乎取之朝祀喪戎於是乎觀之今正
月相朝而皆不度心已亡矣嘉事不體何以能久高仰
驕也卑俯替也驕近亂替近疾君為主其先亡乎注玉

朝者之贊為此年公薨哀七年以邾子益歸傳

色容考

曲禮臨喪則必有哀色介冑則有不可犯之色故君子
戒慎不失色於人注貌與事宜相配色厲而內荏貌恭
心很非情者也○表記君子哀經則有哀色端冕則有
敬色甲冑則有不可辱之色注言色稱其服也○色容

莊玉色

俱見容
通考條

目容考

曲禮天子視不上於袷

音切

不下於帶國君綏

音妥

視大夫

衡視士視五步凡視上於面則教下於帶則憂傾則姦
注袷交頷也天子至尊臣視之目不過此視國君彌高
綏讀為妥妥視謂視止於袷視大夫又彌高也衡平也
平視謂視面也士視得旁遊目五步之中也視大夫以
上上下下遊目不得旁教則仰憂則低辟頭旁視心不正
也○又輟朝而顧不有異事必有異慮故輟朝而顧君
子謂之固注敬心不存則形於外固謂不達於禮也○

士相見禮凡與大人言始視面中視抱卒視面母改衆
皆若是若父則遊目母上於面母下於帶若不言立則
視足坐則視膝注始視面謂觀其顏色可傳言未也中
視抱容其思之且為敬也卒視面察其納已言否也母
改謂傳言見答應之間當正容體以待之母自變動為
嫌解情不虛心也衆謂諸卿大夫同在此者皆若是其
視之儀無異也子於父主孝不主敬所視廣也因觀安
否何如也不言則伺其行起而已○目容端毋淫視

見容

通考

○車中目容

見車中
考條

○賈誼容經視有四則朝廷

之視端汜

音流

平衡祭祀之視視如有將軍旅之視固植

虎張喪紀之視下汜垂網視經也

言容考

曲禮君命大夫與士肄在官言官在府言府在庫言庫
在朝言朝注肄習也君有命大夫則與士展習其事謂
欲肄所發為也唯君命所在就展習之也官謂版圖文
書之處府謂寶藏貨賄之處也庫謂車馬兵甲之處也

朝謂君臣謀政事之處也。○又朝言不及犬馬注非公議也。疏不宜私褻論議以及犬馬也。○又在朝言禮問禮對以禮注於朝廷言無所不用禮。○又居喪不言樂祭祀不言凶公庭不言婦女注非其時也。○又公事不私議注嫌若姦也。○士相見禮凡言非對也。妥而後傳言注凡言謂已為君言事也。妥安坐也。傳言猶出言也。若君問可對則對不待安坐也。○又與君言言使臣與大人言言事君與老者言言使子弟與幼者言言孝弟

於父兄與衆言言忠信慈祥與居官者言言忠信注博
陳燕見言語之儀也言使臣者使臣之禮也大人卿大
夫也言事君者臣事君以忠也祥善也居官謂士以下

○曲禮長者不及母僂

音暫

言毋勦

初交反

說毋雷同必則

古昔稱先王注僂猶暫也非類雜勦猶擘

音覽

也謂取人

之說以為已說雷之發聲物無不同時應者人之言當
各由已不當然也則古昔稱先王言必有依據○賈誼
容經言有四術言敬以固朝廷之言也文言有序祭祀

之言也屏氣折聲軍旅之言也言若不足喪紀之言也
言經也

鞠躬考

左傳正考父鼎銘云一命而僂

力主反

再命而偃

紆羽反

三

命而俯循牆而走亦莫余敢侮注俯恭於偃偃恭於僂
循牆言不敢妄行其恭如是人亦不敢侮之

手容考

奉者當心提者當帶執器執幣

俱詳執圭行聘考條

○手容恭

見容

通考

○車上手容

詳車中
考條

○少儀侍坐弗使不執琴瑟

不畫地手無容不翼

所洽
反

也注端慤所以為敬也尊長

或使彈琴瑟則為之可疏不畫地不敢無故畫地也手

無容不弄手也翼扇也雖熱亦不敢搖扇也○玉藻凡

有指畫於君前用笏○檀弓孔子與門人立拱而尚右

二三子亦皆尚右孔子曰二三子之嗜學也我則有姊

之喪故也二三子皆尚左注亦皆尚右傲孔子也皆尚

左復正也喪尚右右陰也吉尚左左陽也

按尚右謂以
右手加左手

之上也尚
左反是

拜考

春官大祝辨九擗

古拜字

一曰稽首二曰頓首三曰空首

四曰振動五曰吉擗六曰凶擗七曰奇

紀宜反

八曰褒

音報擗九曰肅擗以享右祭祀注稽首拜頭至地也頓首

拜頭叩地也空首拜頭至手所謂拜手也吉拜拜而后

稽顙謂齊衰不杖以下者言吉拜者此殷之凶拜周以

其拜與頓首相近故謂之吉拜云凶拜稽顙而后拜謂

三年服者鄭大夫云奇拜謂一拜也寢讀為報報拜再拜是也鄭司農云肅拜但俯下手今時擡音是也介者不拜故曰為事故敢肅使者元謂振動戰栗變動之拜書曰王動色變一拜答臣下拜再拜拜神與尸享獻也右讀為侑侑勸尸食而拜疏稽首頓首空首三者相因而為之空首者先以兩手拱至地乃頭至手是為空首以其頭不至地故名空首頓首者為空首之時引頭至地首頓地即舉故名頓首稽首者稽留之字頭至地多

時則為稽首也此三拜正拜也稽首拜中最重臣拜君之拜頓首平敵自相拜之拜空首君答臣下之拜知義然者按哀十七年公會齊侯盟於蒙孟武伯相齊侯稽首公則拜齊人怒武伯曰非天子寡君無所稽首公如晉孟獻子相公稽首知武子曰天子在而君辱稽首寡君懼矣孟獻子曰以敝邑介在東表密邇仇讐寡君將君是望敢不稽首郊特牲曰大夫之臣不稽首非尊家臣以避君也如是相禮諸侯於天子臣於君稽首禮之

正諸相於大夫之臣及凡自敵者皆當從頓首之拜也如是差之君拜臣下當從空首拜其有敬事亦稽首洛誥云周公拜手稽首成王亦拜手稽首者此即兩相尊敬故皆稽首也肅拜拜之最輕唯軍中有此肅拜婦人亦以肅拜為正其餘五者附此四種正拜者振動附稽首吉拜附頓首凶拜亦附稽首奇拜附空首褒拜亦附稽首九拜不專為祭祀祭祀事重故舉以言之又云齊衰以下喪拜而云吉者對凶拜為輕也拜先作頓首後

作稽顙

稽顙之稽音啟

稽顙還是頓首但觸地無容則謂之稽

顙奇拜謂一拜者謂君拜臣下燕禮大射有一拜之時

按頓首之拜以頭叩地似喪禮之稽

音啟

顙但稽

顙頭觸地無容頓首頭叩地有容以此別於喪

拜叩地即起不稽留以此別於稽首此拜不常

用唯有急求人乃用之頓首見左傳者二文二

年晉穆嬴抱太子頓首於趙宣子婦人常用肅

拜此頓首者有所急求於宣子也定四年申包

胥如秦乞師秦哀公為之賦無衣九頓首而坐
無衣三章每一章三頓首此有所急求於秦也
疏謂頓首平敵自相拜之拜恐不然君拜臣下
及平敵自相拜皆當用空首疏振動附稽首寢
拜亦附稽首亦恐有誤振動疑是跪而稍振動
其手手不至地肅拜不跪如今人之揖

曲禮君言至則主人出拜君言之辱使者歸則必拜送
于門外注敬君命也此謂國君問事於其臣疏辱者言

屈辱尊者之命來也若臣遣人往君所及問他人則送迎亦然○又若使人於君所則必朝服而命之使者反則必下堂而受命注此臣有所告請於其君䟽敬君故朝服命使君言至亦朝服受之互言也去不下送反而下迎者尊君命也不出門者已使卑於君使也亦當拜之不言從上可知也

按使人於君所䟽謂去不下送非也孔子問人於他邦猶再拜而送之豈使人於君所有不下

送乎少儀凡膳告於君子主人展之以授使者
于阼階之南南面再拜稽首送則使人於君所
亦然孔子拜送使者亦當下堂拜送于阼階之
南其時使者不答拜鄭注儀禮云凡為人使不
當其禮

又大夫士見於國君君若勞之則還辟再拜稽首君若
迎拜則還辟不敢答拜注謂見君既拜矣而後見勞也
聘禮曰君勞使者及介君皆答拜不敢答拜嫌與君抗

賓主之禮迎拜謂君迎而先拜之聘禮曰大夫入門再拜君拜其辱○又大夫士相見雖貴賤不敵主人敬客則先拜客客敬主人則先拜主人注尊賢疏唯賢是敬不計賓主貴賤雖為大夫而德劣亦先拜有德之士此謂異國則爾同國則否又士相見禮若先生異爵者謂士則先拜之此則不必同國也○又凡非弔喪非見國君無不答拜者注禮尚往來喪賓不答拜不自賓客也國君見士不答其拜士賤○又大夫見於國君國君拜

其辱士見於大夫大夫拜其辱同國始相見主人拜其辱注自外來而拜拜見也自內來而拜拜辱也○又君於士不答拜也非其臣則答拜之注不臣人之臣○又大夫於其臣雖賤必答拜之注避正君○又男女相答拜也注男女嫌疑之避多端然相答拜所以明禮

按古人之拜必待一人拜訖然後答之未有同時並拜者也當其拜時逡巡退避若使者則不答拜使者致命時亦不拜皆是為人使不當其

禮也

玉藻大夫親賜士士拜受又拜於其室衣服弗服以拜
注異於君惠也拜受又就拜於其家是所謂再拜也○
又敵者不在拜於其室注謂來賜時不見也見則不復
往也

按玉藻酒肉之賜弗再拜雖君賜之亦止拜受
於家陽貨饋孔子烝豚所以必瞰亡者恐其拜
受於家不復再來拜也敵者不在拜於其室則

孔子必當往拜矣康子饋藥亦酒肉之類既拜受亦不再拜

揖考

秋官司儀詔王儀南鄉見諸侯土揖庶姓時揖異姓天揖同姓注王揖之者定其位也庶姓無親者也土揖推手小下之也異姓昏姻也時揖平推手也天揖推手小舉之疏凡揖皆推手至於擡

一涉反

即引手為異也○曲

禮揖人必違其位注禮以變為敬疏位謂已之位於位

而見前人已所宜敬當離已位而向彼遙揖燕禮君降階爾卿大夫註云爾近也揖而移近之明君臣皆須違位而揖也

按古人之揖與今人不同今人之揖即古之肅拜古之揖為推手如今人與人相拱手有高平下之別孔子執圭上如揖與天揖推手小舉者相似此仍不過平衡也為擯而揖所與立亦是推手而傳辭鄉飲酒禮賓厭

一涉反

介入門左介

厭衆賓入注推手曰揖引手曰厭推手手向前
引手手向身也凡賓主入門庭間有三揖入門
將曲揖既曲北面當陳揖行至當碑處又揖皆
是賓主相向而推手手當小舉此上如揖亦即
如其賓主相向之揖耳曲禮揖人必違其位唯
謂揖人使前時已當離位若傳辭而揖已位已
定迎賓而揖並行暫止皆非違位之例也

授考

曲禮授立不跪授坐不立注為煩尊者俯仰受之

按凡獻物於人不敢授者奠之於地臣奠圭
壻奠鴈是也其有當授受者如几杖弓劍禽鳥
之類體敵者同面並受不敵者對面訝受其時
身稍俛而手微下曲禮記授弓之儀云尊卑垂
帨注帨佩巾也磬折則佩垂授受之儀尊卑一
孔子執圭手有稍下時如之即行聘時上介執
圭如重授賓賓升堂授玉於中堂與東楹之間

皆有授時執圭亦如之耳

立容考

曲禮立則磬折垂佩主佩倚則臣佩垂主佩垂則臣佩
委注君臣俯仰之節倚謂附於身小俛則垂大俛則委
於地疏佩謂玉佩也帶佩於兩邊臣則身宜僂折如磬
之背身既僂折則佩從兩邊出縣垂於前也君若直立
佩倚於身則臣宜曲折佩不得倚身君若重慎折身而
佩垂則臣彌曲故佩垂委於地然臣不發初太曲必待

君儻而後方曲者亦授立不跪之義也。○立容德辨卑

無調山立正方無陂

俱詳容通考條

行容趨容考

曲禮天子穆穆諸侯皇皇大夫濟濟士蹌蹌庶人僬僬

僬者

注皆行容止之貌也聘禮曰賓入門皇又曰皇且行

又曰衆介北面鏘鏘焉凡行容尊者體盤卑者體蹙疏
天子尊重故穆穆威儀多諸侯皇皇自莊盛大夫濟濟
徐行有節士蹌蹌者鄭注聘禮云容貌舒揚也僬僬者

卑盡之貌庶人都無容儀竝倬倬行而已○玉藻凡行

容惕惕

音惕

廟中齊齊朝廷濟濟翔翔注惕惕疾直貌也

凡行謂道路也齊齊恭慤貌也濟濟翔翔莊敬貌也䟽

道路雖速疾又不忘於直故其容直而疾齊齊自收持

嚴正之貌以對神不敢舒散故貌恭慤齊齊然濟濟有

威儀矜莊也翔翔行而張拱也竝朝廷所須也○曲禮

帷薄之外不趨堂上不趨執玉不趨注不見尊者行自

由不為容也入則容行而張足曰趨堂上不趨為其迫

也堂下則趨執玉不趨志重玉也䟽帷幔也薄簾也執玉須慎不論堂之上下皆不疾趨○又堂上接武堂下布武室中不翔注武迹也迹相接謂每移足半躡之中人之迹尺二寸布武謂每移足各自成迹不相躡室中不翔又為其迫也行而張拱曰翔䟽既不欲疾趨故迹相接鄭云每移足半躡之王云足相接也庾云謂接則足連非半也武迹相接謂每移足半躡之也半躡之是每進六寸也步武鄭謂每移足各自成迹不半相躡王

云謂迹間容足若迹間容足則中武王說非也○玉藻君與尸行接武大夫繼武士中武徐趨皆用是注接武尊者尚徐蹈半迹繼武迹相及也中武迹間容迹徐趨君大夫士之徐行也皆如與尸行之節也

按此謂君行同於尸行皆接武大夫以下步漸濶徐趨皆用繼武中武耳非謂與尸行也凡君大夫皆無與尸行之時與尸行者唯有祝耳祝前尸之儀見少牢禮注疏謂貴賤與尸行者誤

又疾趨則欲發而手足毋移注疾趨謂直行也疏數自若發謂起屨也移之言靡匝也毋移欲其直且正疏謂他事行禮須直身速行時也既無所執持欲屨頭恒起無復繼接之異其迹或疏或數自若尋常手足毋移謂雖屨恒欲起而手足猶宜正直不得邪低靡匝搖動也

○又圈

舉遠反

豚

九本反

行不舉足齊

音咨

如流席上亦然注

圈轉也豚之言若有所循不舉足曳踵則衣之齊如水之流矣孔子執圭則然此徐趨也席上尊處亦尚徐也

疏圈豚行言徐趨法曳轉足隨地而行也不舉足謂足不離地齊裳下緝也足既不舉身又俯折則裳下委地曳足如水流狀也在席上未坐其行之時亦如是○又端行頤雷如矢弁行剡剡

以漸反

起屨注此疾趨也端直

也疏端行謂直身而行也行既疾身乃小折而頭直俯臨前頤如屋雷之垂也如矢者身趨前進不邪如箭也弁急也剡剡身起貌急行欲速而身屨恒起也○又執龜玉舉前曳踵蹈蹈如也注著徐趨之事疏將行之時

初舉足前後曳足跟行不離地舉足狹數○執玉行容

詳見執圭
行聘考條

○少儀執玉執龜筮

音策

不趨堂上不趨城上

不趨注於重器於近尊於迫狹無容也步張足曰趨

升堂降等考

曲禮主人與客讓登主人先登客從之拾

音涉

級聚足連

步以上上於東階則先右足上於西階則先左足注拾

當為涉級等也涉等聚足謂前足躡一等後足從之併

連步以上重蹉跌也連步謂足相隨不相過也先右足

先左足近於相鄉敬疏讓必以三三竟而客不從故主人先登亦肅客之義不言三者略可知也客從之言主人前升至第二級客乃升中較一級也拾級聚足此上階法也聚足謂每級先舉一足而後足併之不得後過前也上上堂也在級未上堂後足不相過故云連步也○燕禮記凡公所辭皆栗階凡栗階不過二等注栗蹙也謂越等急趨君命也其始升猶聚足連步越二等左右足各一發而升堂疏凡堂及階尊者高而多卑者庫

而少天子九等已下至士三等皆有栗階之法栗階不過二等據上等而言天子以下皆留上等為栗階左右足各一發而升堂其下無問多少皆連步雜記云主人之升降散等鄭注云散等栗階則栗階亦名散等凡升階之法有四等連步一也栗階二也歷階三也歷階謂從下至上皆越等無連步若杜蕢入寢歷階而升是也越階四也越階謂左右足越二等若公羊傳趙盾避靈公踰階而走是也○雜記祭主人之升降散等執事者亦

散等注祭謂練祥祭也散等栗階為新喪略威儀疏散
等栗階謂升一等而後散升不連步也○檀弓杜蕢入
寢歷階而升解見燕禮記疏○公羊傳宣六年趙盾踏一作走
階而走注踏猶超遽不暇以次

按上階之常法必聚足連步降階亦然臣當下
堂拜而君辭之則當急趨君命上堂而拜用栗
階栗階不過二等疏謂留上等為栗階恐不然
當是始升一等猶聚足至第二等即不聚足如

雜記疏之說栗階亦謂之散等喪禮異其名也
臣有急事諫君則如杜蕢之歷階階上皆不聚
足平時若歷階則非禮矣踏階不常有

坐考

曲禮將即席容毋忤兩手摠衣去齊

音啓

尺衣毋撥足毋

蹶注忤顏色變也齊謂裳下緝也撥發揚貌蹶行遽貌
疏此明弟子講問初來之法初來就席顏色宜莊不得
變動也摠提挈也將就席時以兩手當裳前提挈起令

裳下齊去地一尺恐衣長轉足躡履之○又虛坐盡後
食坐盡前坐必安執爾顏注盡後謙也盡前為汙席執
猶守也疏凡坐好自搖動故戒之坐必安久坐好異故
戒之宜如嚮者無忤顏容也

按管子弟子職云危
坐向師顏色毋忤

○又

並坐不橫肱注為害旁人○又有憂者側席而坐有喪
者專席而坐注側猶特也憂不在接人不布他面席專
席而坐降居處也專猶單也疏平常則舒他面席吉時
貴賤有重席之禮○坐如尸坐毋箕徒坐讀書食坐

俱詳

席考

按古人之坐兩膝著席而坐於足與跪相似但跪者直身臂不著地又謂之跼跪危而坐安曲禮先生書策琴瑟在前坐而遷之疏云坐亦跪也坐通名跪跪名不通坐此跪坐之別也若坐而舒兩足則如箕矣

曲禮侍坐於先生先生問焉終則對注不敢錯亂尊者之言○又請業則起請益則起注尊師重道也起若今

摳衣前請也業謂篇卷也益謂受說不了欲師更明說之○又侍坐於所尊敬毋餘席注必盡其所近尊者之端為有後來者疏謂先生坐一席已坐一席已必坐於近尊者之端勿使近尊者之端更有空餘之席欲得親近先生備擬先生顧問且擬後人之來故闕其在下空處以待之○又見同等不起燭至起食至起上客起燭不見跋本末反注見同等不起不為私敬燭至起異晝夜食至起為饌變上客起敬尊者跋本也燭盡則去之嫌

若燼多有厭倦疏跋本也本把處也古者未有蠭燭唯
呼火炬為燭火炬易盡盡則藏所然殘本恐客見之知
夜深慮主人厭倦或欲辭退也○又侍坐於君子君子
問更端則起而對侍坐於君子若有告者曰少閒音閑願
有復也則左右屏而待注離席對敬異事也君子必令
復坐復白也言欲須少空閒有所白也屏猶退也隱也
○又侍坐於君子君子欠伸撰杖屨視日蚤莫音暮侍坐
者請出矣注以君子有倦意也撰猶持也疏志疲則欠

體疲則伸屨脫之在側若倦則自撰持之○少儀侍坐

於君子君子欠伸運笏澤劍首還

旋音

屨問日之蚤莫雖

請退可也注以此皆解倦之狀伸頻伸也運笏謂玩弄

也金器弄之易以汗澤疏運動也還轉也尊者說屨於

戶內是屨恒在側○士相見禮凡侍坐於君子君子欠

伸問日之早晏以食具告改居則請退可也夜侍坐問

夜膳葷請退可也注君子謂卿大夫及國中賢者也志

倦則欠體倦則伸問日晏近於久也具猶辯

音辨

也改居

謂自變動也問夜問其時數也膳葷謂之葷辛物葱薤之屬食之以止卧

居考

玉藻君子之居恒當戶注鄉明

按室中之位以奧為尊曲禮為人子者居不主
奧則父母不在當居奧矣而云恒當戶何也居
室則戶當闔室有牖所以為明非以戶為明如
開戶則有風寒豈可常當戶而坐乎檀弓孔子

蚤作章因感兩楹之夢有泰山梁木之歌既歌而入當戶而坐謂坐於堂而當戶爾日偶然如此記禮者因此遂謂君子之居恒當戶恐不然矣堂上以戶牖之間為尊位當戶非尊室中以奧為尊位如與弟子同坐豈長者當戶而弟子居奧乎無是理也孔子齊必遷坐盖平時坐於奧齊將祭似有不敢居尊位之意

檀弓夫晝居於內問其疾可也夜居於外弔之可也是

故君子非有大故不宿於外非致齋也非疾也不晝夜
居於內注晝居於內似有疾夜居於外似有喪大故謂
喪憂內正寢之中疏致齋在正寢疾則或容在內寢若
危篤亦在正寢○燕居溫溫

見容通
考條

寢考

玉藻寢恒東首注首生氣也

按君子寢恒東首曲禮又曰請衽何趾蓋亦有
隨意所便安之時至君來視疾則必正東首之

禮

又若有疾風迅雷甚雨則必變雖夜必興衣服冠而坐
注敬天之怒○少儀寢則坐而將命注命有所傳辭也
坐者不敢臨之疏尊者臨卧而侍者若傳辭當跪前不
可以立恐臨尊者○寢毋伏見容通考條○火滅修容武王帶
見帶考

沐浴考

玉藻日五盥沐稷而醑

音晦

梁櫛

側乙反

用櫛

章善反

櫛髮晞

用象櫛進襪

其既反

進羞工乃升歌注跽乾也沐醕必進

襪作樂盈氣也更言進羞明為羞邊豆之實疏盥洗手

也沐沐髮也醕洗面也取稷梁之湯汁用將洗而沐髮

並須滑故也此大夫禮耳人君沐醕皆梁櫛白理木也

櫛梳也沐已燥則髮澀故用象牙滑櫛以通之襪謂酒

也故少儀注云沐而飲酒曰襪沐畢必進襪酒又進羞

樂工乃升堂以琴瑟而歌以其新沐體虛補益氣也○

又浴用二巾上絺下綌出扃

音零

履蒯席連

力旦反

用湯履

蒲席衣布跣身乃履進飲注杆浴器也蒯席澀便於洗足也連猶闌也進飲亦盈氣也疏杆浴之盆也蒯菲草席澀履澀草席上刮去垢也連猶釋也言釋去足垢而用湯闌也

當暑考

月令仲夏之月日長至陰陽爭死生分君子齊戒處必掩身毋躁止聲色毋或進薄滋味毋致和節者欲定心氣注爭者陽方盛陰欲起也躁猶動也薄滋味為其氣

異此時傷人節者欲微陰扶精不可散也。○又季夏之月土潤溽暑注潤溽謂塗濕也。

升車考

少儀僕於君子升下授綏

按升車尊者履石夏官隸僕王行洗乘石注乘石王所登上車之石也詩云有扁斯石履之卑兮謂上車所登之石尸履几曲禮云尸乘必以几注尊者慎也

疏謂几在式上誤

昏禮婦乘以几注尚



安舒也疏云此几謂將上車時而登若王后則履石大夫諸侯亦應有物履之但無文以言今人猶用臺是石几之類也按孔子升車必正立執綏則是履地而升蓋不敢同於尊者也

車中考

曲禮國君撫式大夫下之大夫撫式士下之注撫猶據也據式小俯崇敬也乘車必正立疏君臣俱行君式則臣宜下車大夫之臣亦如大夫於君也○又君子式黃

髮下卿位入國不馳入里必式注式黃髮敬老也下卿位尊賢也卿位卿之朝位也君出過之而上車未至而下車入國不馳愛人也入里必式不誣十室疏卿位路門之內門東北面位

當是阼階前卿西面之位

○又國君不乘奇

居

反車車上不廣欬

開代反

不妄指立視五雋

惠圭反

式視馬

尾顧不過轂注不乘奇車出入必正也不廣欬為若自矜廣猶宏也不妄指為惑衆立平視也雋猶規也謂輪轉之度式視馬尾小俛顧不過轂謂掩在後疏奇車奇

邪不正不如法者之車車已高若在上而聲大欬似自
驕矜又驚衆也車輪一周為一規乘車之輪高六尺六
寸徑一圍三一規為一丈九尺八寸五規為九十九尺
六尺為步總為十六步半也馬尾近在車闌前車上憑
式下頭時不得遠矚而令瞻視馬尾轂車轂也若轉頭
不得過轂過轂則掩人私也論語車中不內顧是也○
又國中以策彗音邨反蘇沒勿音沒驅塵不出軌注音注入國不
馳彗竹帚邨勿搔摩也疏以策微近馬體不欲令疾也

車行遲故塵埃不起不飛揚出轍外○又國君下齊牛
式宗廟大夫士下公門式路馬䟽按齊右職云凡有牲
事則前馬注引曲禮曰國君下宗廟式齊牛與此文異
熊氏云此文誤當以周禮注為正



鄉黨圖考卷九